



■青雲與莫文蔚主持醒獅點睛儀式。

■莫文蔚讚外籍老公的普通話進步不少。

難與許冠文比較 劉青雲認後輩

爭影帝一定要有信心

劉青雲、莫文蔚和韓國女歌手CL昨日出席名錶活動，主持醒獅點睛儀式。在兩大電影頒獎禮皆獲提名「最佳男主角」的青雲表示有一定信心，但作為後輩的他不敢視前輩許冠文為勁敵。莫文蔚透露已向啟德體育園申請表演場地。

劉青雲透露第一隻收藏的手錶是太太郭藹明多年前送的生日禮物，兩人除了有情侶錶，亦不介意穿情侶裝。提到他憑電影《爸爸》同時入圍《金像獎》及《亞洲電影大獎》「最佳男主角」，問到有否信心？他笑言：「每次都俾人問有冇信心，信心一定要有，對自己有信心，又點可以要求人哋對你有信心；但點樣釋放信心就要思考，唔可以畀人感覺驕傲，若然擺唔到獎俾人問感受又要點答呢？所以無論結果係點都要對自己有信心。但我唔想大家用『對手』形容入圍者，因為講到大家好似敵對咁，大家都係香港電影一分子，仲有來自唔同國家嘅演員角逐，有份入圍都有一定水準。」

莫文蔚擬啟德體育園開騷

問到可會視許冠文為最大勁敵？青雲說：「許冠文係我好尊重嘅電影工作者，亦係喜劇泰斗，佢拍過好多喜劇都有好成績。佢喺《破·地獄》演得好出色同賣座。但唔好話係最強對手，我好難同佢比較，佢係電影界大大大前輩，而我係後後後輩。」對於黃子華未能入圍金像獎「最佳男主角」，青雲坦言：「好可惜，佢演得唔錯，但佢個係選擇上嘅問題，我相信佢絕對有機會再獲提名。佢係前無古人，後無來者。我拍咗咁多年戲，加起嚟（票房）都冇佢咁高，講笑啫，都有嘅。」

莫文蔚透露有申請在啟德體育園舉行巡唱：「啟德喺各方面同呢個騷都好配合，係Perfect！不過聽講今年嘅檔期已經爆滿。」問到老公是否每次都會陪她巡演？她表示：「的確會，因為老公順便可以學普通話。」並笑指老公現時的普通話可能比現場記者好。

■劉青雲認為輸人唔輸陣，一定要對自己有信心。

否認做霆鋒個唱嘉賓 譚輝智：我連飛都冇



■古淖文（左）爆譚輝智於慈善騷扮《老夫子》其中一個角色。

古淖文、譚輝智、黃嘉雯與倪樂琳等昨日到荃灣出席3月8日舉行的《博愛歡樂傳萬家》記者會，古淖文透露屆時會與3位「聲夢」小妹妹載歌載舞，譚輝智則扮《老夫子》其中一個角色，在節目上玩遊戲。提到有傳譚輝智獲狄波拉青睞，有機會被安排在謝霆鋒的啟德主場館演唱會做嘉賓，他立即否認，並稱沒收到邀請：「我連飛都冇呀！應該好多人搵姑拉買飛，所以我完全唔敢麻煩佢，不過可以試吓隔空撈飛，有一張飛已經心滿意足。」問到若真的有機會擔任暖場嘉賓，可會願意？在旁的古淖文搶答：「我代佢答，梗係得啦！」譚輝智則稱：「霆鋒係完全另外一個層次，加上佢已經好多年冇開騷，所以我可以喺台下做觀眾已經心滿意足。」

朱凱婷 碌人情卡籌款

《慧妍雅集 43週年慈善晚會 2025》將於本月29日舉行，慧妍雅集主席朱凱婷、戚黛黛、莊思明等昨日出席記者會。朱凱婷透露今年慈善主題為關心社會精神健康問題，在目前低沉的市況下，特別為慈善籌款晚會碌盡人情卡，落實邀得王灝兒（JW）、譚輝智及賈思樂擔任表演嘉賓。至於莊思明早前為男友楊明慶祝生日，蛋糕寫上「老公豬豬」而傳出喜訊，她笑言：「呢個稱呼用咗好耐，只係大家覺得好出奇，都明白大家好心急，但我哋一直唔急，亦有定結婚限期畀自己。」



■莊思明（左）與朱凱婷為慈善不遺餘力。

譚玉瑛出院身形消瘦



■黎芷珊（左二）與友人探望譚玉瑛（右二）。

譚玉瑛上月在社交平台自爆跑樓梯時不慎跌斷腳，需留醫治療，連日來獲不少好友前往探望。昔日與她合作主持兒童節目的黎芷珊，前日抽空探望老友，原來譚玉瑛已經出院，見素顏的她精神不錯，合照時面露笑容，不過沒有穿鞋的譚玉瑛手持拐杖支撐，身體微微向左傾斜，明顯要借力，身形也比之前消瘦。見她捲起左邊褲腳，戴上腿部固定支架，大腿到小腿位置都被膠布包裹，估計她要休息一段頗長時間。